

TE MAHERE TAIOHI 2020-2022 - TE HURI I TE REO KI TE MAHI - TE WAIHANGA ME TE WHAKAORA ANŌ

Ko te whāinga a Te Mahere Taiohi he tautoko i te oranga o te rangatahi¹ i a tātou e hanga, e whakaora anō i te MATE KORONA.

Ka whakatakotoria ngā mahi ka mahia e te kāwanatanga, i te pātuinga me ētahi atu, hei whakangāwari i ngā pānga o te MATE KORONA mā te hunga rangatahi.



MINISTRY OF
YOUTH DEVELOPMENT
TE MANATŪ WHAKAHIATO TAIOHI
Administered by the Ministry of Social Development

Te Kāwanatanga o Aotearoa

He wāhanga Te Mahere Taiohi o Te Rautaki Oranga Tamariki, ko tāna he kōkiri panonitanga. Ko tōna whāinga kia mātua whakaritea ka whai wāhi atu te hunga rangatahi ki ngā whakatau e pā ana ki te whakaoranga, hei tautoko i te oranga o te hunga rangatahi, o ē rātou whānau hoki, kia hua mai te ārahitanga rangatahi, hei kōkiri hoki i te panonitanga whakaaro.

Ka whai hua ki ngā hinonga karauna, te rāngai taiohi, ngā hapori me te hunga rangatahi.

WHAKATAUKĪ:

E kore koe e ngaro, he kākano koe i ruia mai i Rangiatea

TE MATAKITE

Ko Aotearoa te tino wāhi puta noa i te Ao mā te hunga tamariki, taiohi anō hoki.

HE ĀHUA 800,000 TE TOKOMAHA O TE HUNGA RANGATAHI KI AOTEAROA

Ko te aronga o Te Mahere Taiohi he mātua whakarite ka rangona ē rātou reo, ā, ka whakamanatia puta noa i te kāwanatanga. Mā te hunga rangatahi i waenga i te 12-24 ngā tau, me te tino arotahi ki ngā rōpū mātāmua e whā.



RANGATAHI MĀORI
17-24 NGĀ TAU



TAIOHI MOANA NUI
Ā-KIWA 17-24 NGĀ TAU



TAIOHI TAKATĀPUI
17-24 NGĀ TAU



TAIOHI HAUĀ
17-24 NGĀ TAU

Tērā pea ka kitea e te hunga rangatahi i roto i ēnei rōpū mātāmua ētahi ārai nā runga i te whakaaro hē ki tā rātou iwitanga, hōkakatanga, tuakiri ā-ira, hauātanga rānei. Tērā pea ka whakamomonatia e ngā pānga o te MATE KORONA ētahi o ngā take e kitea ana e aua rōpū ināiane, tae atu ki te taipūwhenuatanga, te whakahāwea ā-iwi me te whakahāwea, te pōharatanga, te kore-kāinga, te kore whakaaetanga ki te tuakiri, te whakapikinga o te taumahatanga hinengaro, me te pikinga o te hunga kāore e whai wāhi ana ki te ao mātauranga, te ao mahi, te whakangungu rānei.

Mā te whakarite kia noho mātāmua ēnei rōpū ka whai Te Mahere Taiohi ki te whakangāwari i ngā pānga o te MATE KORONA me te kōkiri i ngā putanga tōkeke.

1. Ka whakamahia hoki te kupu 'rangatahi' i roto i tēnei Mahere Taiohi mō te kupu 'Taiohi', e rua, e rua.

KUA KĪ MAI TE HUNGA RANGATAHI ...

I te marama o Whiringa-ā-nuku 2019, i whakawhitiwhiti kōrero mātou ki te 1,200 rangatahi mō te whakawhanaketanga o Te Mahere Taiohi. Kei raro nei ko ngā kōrero he rite tonu te puta mai:

Kei te hiahia whai wāhi atu mātou ki ngā whakatau nui a te kāwanatanga, heoi anō, ehara te tukanga i te ngāwari, ka mutu, ki ē mātou whakaaro, kāore koutou i te whakarongo.

He nui ake te tikanga o te oranga whai hua i te oranga hinengaro noa iho; he mea nui hoki te tuakiri, te whānau, te hapori.

Kei te hiahia mātou kia nui ake ngā wā hei ārahi mā mātou, heoi anō, kei te hiahia tautoko ahau, me te tohutohu, kia mārama ai hoki ngā pakeke, tukuna te wā me te wāhi ki a mātou ki te ārahi, i runga i ē mātou ake i whakaaro ai.

Me whakarerekē te kāwanatanga i te āhua o te pūnaha me āna mahi i tō mātou taha, ka mutu, āna mahi hoki mā mātou.

NGĀ MAHI

REO	TE ORANGA	TE ĀRAHITANGA	TE PANONITANGA WHAKAARO
<p><i>Ka whakarangona ngā reo, ngā tirohanga, ka kaingākauria, ka tuituia ki ngā mahi whakatau ki ngā taumata katoa, ina koa ngā whakatau e pā ana ki te whakaoranga i te MATE KORONA.</i></p>	<p><i>Ka tautokona, ka whakapakarihia te oranga o te hunga rangatahi, tō rātou whānau, hapori hoki.</i></p>	<p><i>Kua tautokona te hunga rangatahi ki te whakahaere i tō rātou ake ao, kia kitea ō rātou tuakiri, kia kaingākauria, kia manaakitia, kia piki haere hoki tō rātou reo i roto i ō rātou hapori, i runga hoki i ngā kaupapahere karauna.</i></p>	<p><i>Ka mahi tahi ngā tari kāwanatanga, te rāngai taiohi, ngā hapori me te hunga rangatahi ki te whakangāwari i te pānga o te MATE KORONA ki te hunga rangatahi.</i></p>
<p>KO TE TIKANGA O TĒNEI:</p> <ul style="list-style-type: none"> • kua kaingākauria te whai wāhitanga o te hunga rangatahi e ngā tari kāwanatanga • kua mārama, kua whai ngā tari kāwanatanga i te tikanga pai mutunga i ngā whakawhitihanga ki te hunga rangatahi • he rite tonu te tuari o ngā tari kāwanatanga i ngā akoranga i ākona i ngā whakawhitihanga, ka mutu, ka mahi tahi ina taea ana ki te whakaiti i te nenge akoako. • kua āta whakarangona te reo o te hunga rangatahi, kua hopukia, kua whāia hei wāhanga o te whakaoranga i te MATE KORONA • kua whakanuia ngā reo o ngā rōpū mātāmua. 	<p>KO TE TIKANGA O TĒNEI:</p> <ul style="list-style-type: none"> • kei te hunga rangatahi te whakatau i te tikanga o te oranga ki a rātou anō • ka tautokona, ka whakapakarihia te oranga o te hunga rangatahi, tō rātou whānau, hapori hoki. • e tautokohia ana te hunga rangatahi kia mōhio āhea, me pēhea hoki rātou e whai i ngā kōrero e tika ana mā te hunga rangatahi mō te tiaki i tō rātou ake oranga • me tōkeke te whai wāhi atu a te hunga rangatahi ki ngā ratonga i whakatūria hei wāhanga o te whakaoranga MATE KORONA • me whai tautoko te hunga rangatahi kia whai wāhi atu ki ngā ratonga whai mōhiotanga ā-ahurea, e manaaki hoki i tō rātou ira tangata, tuakiri taera i te wā ka hiahia hono atu rātou ki ētahi atu. 	<p>KO TE TIKANGA O TĒNEI:</p> <ul style="list-style-type: none"> • kua tautokona te hunga rangatahi ki te whakawhanake i ō rātou ake tuakiri, ka whakareia hoki tō rātou mana • kua whakaaetia, kua manaakitia te hunga rangatahi mō rātou anō, mō te momo tāngata e hiahia ana rātou • kua āhukahuka te ārahitanga rangatahi, kua kaingākauria • ka riro mā te hunga rangatahi i ngā rōpū mātāmua he wāhi ki te ārahi me te whakatinana i te whakarerekētanga i runga i tō ake hiahia, ina koa mō te taha ki te whakaoranga MATE KORONA • kua tautokona te hunga rangatahi kia uru atu ki te mātauranga, te mahi, te whakangungu rānei • kua riro i te hunga rangatahi he wāhi ki te ārahitanga ōkawa, me ngā mahi whakatau pērā ki ngā rōpū tohutohu, mana whakahaere rānei. 	<p>KO TE TIKANGA O TĒNEI:</p> <ul style="list-style-type: none"> • kei te mahi tahi, kei te whakawhitihanga kōrero hoki ngā tari kāwanatanga ki te kōkiri i te panonitanga o te pūnaha • kua whakaritea ngā pūnaha ki te tautoko i te tuaritanga mōhiohio • ka whakanuia te pūtea ka tukuna ki te rāngai taiohi e te kāwanatanga hei whakatikatika i te hekenga o te pūtea mai i ētahi atu puna pūtea • kua whakapikitia te puata, me te kawenga takohanga i ngā mahi whakatau kaupapa i roto i te kāwanatanga.
<p>NGĀ MAHI</p> <ul style="list-style-type: none"> • Whakamanahia te reo taiohi i ngā mahi a te whakaoranga MATE KORONA (ka arahina e Te Manatū Whakahiato Taiohi). • Whakatinanahia te Kaupapa Reo Taiohi (ka arahina e Te Manatū Whakahiato Taiohi). • Te whakawhanake me te tuari i ngā tohutohu tikanga pai mutunga mō te whakahihi ki ngā tamariki me te hunga rangatahi (ka arahina e Te Tari o Te Kaikomihana Tamariki). 	<p>NGĀ MAHI</p> <ul style="list-style-type: none"> • Me mārama, me urupare ki te pānga ā-hinengaro o te MATE KORONA ki te hunga rangatahi (e arahina ana e Te Manatū Whakahiato Ora). • Waihanga he taiao matihiko haumarua mā ngā tamariki me te hunga rangatahi (e arahina ana e Te Tari Taiwhenua.). • Whakawhanake i te kaupapa whakatairanga pāpori mō te hunga rangatahi he mea whakatairanga i ngā hononga whai hauora, haumarua hoki. • Mahi tahi me te hunga rangatahi ki te whakahoahoa me te whakatinana i te kaupapa oranga (e arahina ana e Te Hiringa Hauora). • Whakapiki i te hauora hinengaro, me ngā tautoko waranga, oranga mā te hunga rangatahi (e arahina ana e Te Manatū Whakahiato Ora). 	<p>NGĀ MAHI</p> <ul style="list-style-type: none"> • Te tautoko i ngā rongoā whakahaeretia ā-hapori (e arahina ana e Te Manatū mō ngā Iwi o Te Moana nui ā-Kiwa). • Karangahia he hui kaiārahi rangatahi Māori ā-rohe (e arahina ana e Te Puni Kōkiri me Te Manatū Whakahiato Taiohi). • Whakawhānuitia atu te Ratonga Mahi o nāiane ki te hunga taiohi hauā i ō rātou tau whakamutunga e rua i te kura (e arahina ana e Te Manatū Whakahiato Ora). • Te whakawhānui i He Poutama Taitamariki (e arahina ana e Te Manatū Whakahiato Ora). 	<p>NGĀ MAHI</p> <ul style="list-style-type: none"> • He tuku i te ārahitanga ā-rautaki me ngā tohutohu e ahu mai ana i te taunakitanga mō te hunga rangatahi (ka arahina e Te Manatū Whakahiato Taiohi). • Te mahi tahi me te hunga rangatahi hauā ki te whakahaere i te panonitanga puta noa i te kāwanatanga (ka arahina e Te Tari Mō Ngā Take Hauātanga). • Ka whakahoahoa me te whakatinana i te kaupapa 'Hear Me See Me (ka arahina e Oranga Tamariki). • Te whakapiki i te kaha me te aronui o te rāngai kāwanatanga ki te hunga takatāpui (ka arahina e Te Manatū Whakahiato Taiohi).